

مجموعه آجودانیا

۱۷ نجی سنہ

ربیع الاول ۱۳۱۴

جزو، عدد : ۵۹





بيوك فرهدريق

(مابعد عن جزؤ ٥٨)

بو مدت ظرفنده فرهدريقك رفقاسى كندى طبيعت واخلاقتى يا هيچ آكلا-
يامامشلىر وياخود بك ناقص صورتده آكلامشلىردر . كنديسى ذوق وسفاهته،
اهميتلىز برطاقم نشيده لرله افتخاره، درجه نايهده آنارى تقديره وداما مخابره
ومكاتبهده بولنديغى وولترى عادتا بر اله ادبيات مقامنده طوتهرق، اظهار مفتونيه
ميال كورنديگندن، رفقاسى فرهدريقك خوش طبيعتلى، محب ادب وصنعت برقرال
اوله جفته و فقط هيچ بر وقت حركات خارقالعادهده بولنميه جفته حكم ايلشلىردر .
فرهدريقك بو مدت ظرفنده يازديغى ايكي مهم اثر مساعى ادبيهجه اقتدارى
واوروپا امور سياسيه سنك حال حاضريله بر حكمدارك درجه مسئوليتنه لايقيه
وقوفنى كوسترمكدهدر . بو اثرلردن برنجيسى « اوروپا اصول دوليه سنك حال
حاضرى حقنده ملاحظات » نامنده اولوب، ديگرده فلورانسه لى مشهور (ماقياوئل)ك
(پرنس) نام اثر سياسيسنه بر رديه دركه، فرهدريق بونده بر حكمدارك بنيان سلطنتنى
تاييد و تحكيم ايدن شى، اقتدار استبدادكارانه دگل فضيلت، عدالت و خيرخواهلىق
اولديغى اثبات ايلشلىدر . وولتر رديه مذكوره يى طبع ايتديردهرك ستايشلىريله
قدرينى اعلا ايتمشلىدر . مع مافيه مؤلفك جالس تحت اولدقدن صكره كى افعالى
نه درجه يه قدر اقوال سابقه سنه مطابق بولنديغى صكره گورلمشلىدر .
فرهدريق پدريله تماماً بارشمشلى . فرهدريقك آلانى ارائه انتظام و سنوى



بيوك فرهدريق
[١٧٨٦ - ١٧١٢]

اجرامی معتاد اولان مانوره لوده اثبات مهارت ایلدیکه و فرهدریقده امور دولته دهها زیاده علاقه دار گورندیکه قرالک ممنونیتی متزاید اولور ایدی .

فرهدریقش بو صورته افعال پدری مؤاخذده بولنامسی ، تعبیر آخرله چکلده یگی دائرة ادب و عرفاندن بیسقدانه سیر ایتیمی قرالک اوغلی حقنیده کی او هام وظنوتی کلیاً بر طرف ایلدیکه گبی ، برنس اوژنه ک تحت اداره سنده اوله رق داخل اولدینی بر محاربه ده گوستردیکی شجاعت و جسارت دخی بو نقطه ده کی عقیده سی تصحیح سبب اولمشدر .

بناء علیه فرهدریق و بیلام اواخر ایامنده اوغلنه کمال امنیت و اعتمادی اولدینی هر حرکتیه ارا نه ایدرک خسته نلدینی زمان اوامر و اراداتی ناطق اولان محررات دولته برنسک امضاسی کندی امضاسنه معادل حکم و قدرتی حائز اوله جغنی اعلان ایتدی .

قرال زمان موتک تقریبی حس ایلدیکه وقت وارث جاهنه اولان امنیت و اعتمادی خصوصنده کیسه نک ذهننده شبهه بر اقامغه چالشدی و بالجمله سرای خلقی مواجهه - سنده « اوغلتک و خلفمک درجه لیاقت و اقتدارینی دوشوندیکه ممنوناً ترک حیات ایدیورم » دهرک اعلان محظوظیت ایلدیکه گبی ، اعظم مأمورین ملکیه و عسکریه سی جلب ایله کندیزی حقنیده گوستردکلی غیرت و صداقتی اوغلی اغورنده دخی صرف ایلرینی وصیت و اخطار ایلدکن صکره ۱۷۴۰ سنه سی مایسنک ۳۱ نیجی کونی ارتحال دار بقا ایتدی .

او وقت داینسبرغ شاتوسنک سکانی فرهدریقش واسکی نازک و براز مستهزی برنس اولیوب کلیاً تحویل ایلدیگنی گوردیلر . بونلر اسکی سفاهتله ، طنزله ره ضیافتله برلین شهرنده دهها زیاده برشعشعه ایله دوام اولمسنه منتظر ایدیلر . حالبوکه فرهدریق حیاتنک مشاغل جدیه سی شمعی سرنمای ظهور اولدینی گورمش واسکی صورت تعیشه ختام ویرمک لزومی حس ایلشدی . مع مافیه حکمدار جدید زمان بدورت و تهلکده کندیسنه ابراز صداقت ایدنله قارشو بیوفالقی ایتدی . بیچاره (قاهه) نک باباسی قونسلق و مارشاللق پایه لرله تلطیف ایلدی .

فرهدریقك مریسی اولوب پدری طرفدن طرد اولنسان دؤحان Dühan دعوت اولنهرق کندوسنه معاش مستوفی تخصیص اولندی . وقتيله فراره موفق اولوب قاتهك حالنه دوچار اولمقدن قورتیلان (قایت) ایله گوسترین قلعهسنده فرهدریقه حسن معاملهده بولنان Münchow (مۇنخوۋ) ك رتبهلری ترفیع ایدلدى . بونلردن بشقه فرهدریق امثالی گورولماش بر موسم شتا ایله بونی تعقیب ایدن قوراقلغك تأثیريله فقر ومضایقهیه دوچار اولان قرا اهاالیسنه كلی مقدار ذخائر توزیع ایتدیرهرك مفظور اولدینی شفقت تبعه پرورانه ایله متناسب مظهر محبت عامه اولدی .

فرهدریق كالات فكریهك دخی صنایع وزراعت گبی بر دولتك ترقیسی ایچون لابد اولان خصوصاتدن بولندیغنی ادراك ایلش وبالجمله مصارفنی کیسهسندن ویرهرك پای تختده ایکی غزته احداث ایتشد . مالککنده جاری اولان سربستی تألیف وتحریر او وقت انگلترده جاری اولاندن ده زیاده ایدی . جلوسندن اون بش کون صكره - او زمانلر اوروپانك هریرنده جاری اولان - اشكنجه اصولی الغا ایله متصف اولدینی عدل وحقایته بر برهان فعلی ابراز ایلدی . امور مذهبیده خط حرکتی مساعده كامله اصولی ایدی . كندی قولی وجهله « مملكتی داخلنده هر فرد سلامت نفسنه استدیگی یولده چالشمقده مختار » ایدی . فرهدریق بر طاقم اغراض مخصوصه ویا افكار مفرطه احصاینك هزل وهذیانن عبارت اولان نشریاتنه دخی عطف نظر اهمیت ایلز وبویولده كندی علیهنده اشاعه ایدیلان حوادثی استماع و اوتیه برویه تعلیق اولنان (پلاقار) لری مشاهده ایلدكجه طور استهزاكارانه ایله مقابله ایلدی . حتی بردفعه انگلتره سفیری سبرتوماس میچله « برلین اهاالیسی ایله پك گوزل اویوشدق . آنلر استدكارینی سویلورلر بنده جائك استدیگنی یاییورم ؛ ایكیمزده خشنود قالیورز » دیمشدی . بركرمه فرهدریق قهوه اوزرینه مطروح رسومی تزید ایدرك عموم اهالی وبخصوص اوقادینارینك شكایتلرینی جلب ایتكله بو فرصتن انتهاز ایدنلر سوقاقلره ، فرهدریق بر اسكمله اوزرنده اوتورهرك طوتدینی قهوه دكرمانیه بر ایله قهوه اوگوتمكده و دیگر ایله دخی یره دوکیلان قهوه دانهلرینی طویلامقده اولدینی حالده مصور بر رسم هزل .

آمیزی حاوی ، یافته‌لر یاشدیرمش و مشار الیه ایسه بعض قرناسیله سوقاقده کردیگی صرده بالتصادف خلقت طویلاندرق بویله بر یافته نظر انداز اولدینی بر محله گلمشدی . فرهدریق بونی گورنجه معیتده اولانلردن برینه « شو یافته‌نی براز آشاخی یه یاشدیریکز اهالی ابو گورهمیور ! » امرینی ویرمش و فقط آتک باشنی چور ویده اورادن کیده جگی صرده خلق طرفندن رفع ایدیلان « یشاسون قرالمز » صداسنی متعاقب یافته دیواردن آلتمش و پاره پاره ایدلمشدر .

فرهدریق پدرینک ائک زیاده باعث افتخاری اولان مشهور خاصه آلاینی دخی طاغیده رق افرادینی دیگر اردولره برلشدیرمشدر . بو هیئتک ایجاب ایلدیگی مصارف اوقدر زیاده ایدیکه فرهدریق بوالغا سایه‌سنده عسا کر منتظمه‌سنه اون بیك نفر ده‌ها ضم و علاوه ایتمگه موفق اولدی .

بو عسکر کندوسنه قریباً بر مدار جدی اشتغال بوله جقدی . بو مشغولیت ایسه فرهدریق کیلومک ائک بیوک اکلنجه‌سی اولان آلایلر و مانوره‌لردن آیری بر جنس و طبیعتده ایدی . ۱۷۴۰ سنه‌سی تشرین اولنک ۲۰ نجی گونی آلمانیا ایمپراطوری آلتنجی شارل وفات ایلشدی . حالبوکه براندبورغ خاندانی مقدما آلمانیا ایمپراطورلرندن بک چوق حقسزقلر گورمش اولوب ، باخصوص سیلزیای و لاتی قاعده وراثت موجبجه براندبورغ خاندانی اداره‌سنده بولنمق اقتضا ایلدیگی حالده غصبه دائما حاضر و ضبط و محافظه‌ده مصر اولان آوستریا طرفندن استیلا ایدلمشدی . سائر حکمداران دن بعضیلری دخی آلمانیا تاجنه ادعای وراشته بولوب ، شارلک ایسه اولاد ذکوری بولنمقندن وفاتی متعاقب آوستریا حکومتک انقسام ایده جگی ظن اولتوردی . مع‌ما فی شارل قبل الوفات اصول وراثتی بالتبديل (براغمتیق سانسسیون) نام قانون-توارنه اوروپا دولترینک موافقتلرینی قزائمش و قانون مذکور موجبجه آوستریا و بالجله متصرفاتی حکومتی کریمه‌سی و فرانس دولورنه Francis de Lorraine نك زوجیه‌سی ماری ترمز Marie Thérèse عهدسنده تأمین ایلشدر .

شارل بو مقاوله‌نک اجراسندن امین اولدینی حالده ترك حیات ایلدی . فقط بو امیدده فرهدریق حسابیه قاتمامش اولوب ، فرهدریق ایسه ظاهرآ هیچ بر شیئه

اہمیت ویرمز بر ذات حکیم مشرب گبی گورنڈیگی خالدہ حقیقتندہ مفتون اعتلا
وَحَرِیص شان و شرف ایدی . مملکتی محاربہیہ حاضر ، خزینہسی لبریز نقود ،
عساکری منتظم ، معلم و کثیرالمقدار ایدی . احوال علمدہ کی تبدل بر زمان فرصت
احداث ایلدیگندن فرہدریق کندیسسی ایچون بر شہرت عظیمہ و پروسیا ایچون دخی
سیلزیائی گبی بر ولایت جسیہ اکتسابی ایچون اورتلنی ہرج و مرجہ قرار ویردی .
بناء علیہ تدارکاتہ صورت خفیہ و سریعہ مبادرت ایتدیکی خالدہ سیلزیائی
حدودی اوزرندہ پروسیا عسکرینک تخشیدی بیلہ ویانہ قایتوسنی حکمدار حکیم
مشوارک نیات حقیقیہ سندن خبردار ایدہمدی .

۱۷۴۰ سنہسی موسم شتاسندہ ولایتہ بردنبرہ هجوم اولنسیلہ سیلزیائی محاربہسنہ
مبادرت اولندی . آوستریانک اورادہ پروسیالیلرہ مقاومتہ مقتدر و عسکر اطلاقہ
شایان قواسی بولنامقلہ غلوغاو [Glogau] برہسلاو [Breslau] اوقھلاو [Ohlau]
گبی الک مهم قلعلر فرہدریقک الہ کچوب سادہ نایسہ [Neisse] قلعهسی براز
مقاومت ایلدیسندہ اردولر قشلاقلرہ گوندرلدیکی زمان تکمیل ولایت پروسیالیلرک
الہ کچمش بولندی .

ولایت ضبط اولنمشسندہ ہیچ بر میدان محاربہسی اورالردہ فرہدریقک بنیان
حکومتی تأیید و تحکیم ایلامشدی . فرہدریق ایلہ آوستریالیلر آرہسندہ ایلمک محاربہ
۱۷۴۱ سنہسی نیسانک اونجی کونی مولویچ [Molwitz] نام محلہ وقوع بولہرق
ہرنہ قدر اوگون فرہدریق ہیچ بر اثر جسارت و مہارت گوسترمہدیسندہ عسکرینک
و با خصوص پیادلرینک انتظام و شجاعتلری و اختیار مارشال (شوہرین) ک تجربہ
و معلوماتی سایہسندہ ینہ شاهد مظفریت پروسیالیلر جہتندہ رونما اولدی .

آوستریا دولتی ناقابل غلبہ بر حکومت اولیوب ، پروسیانک مظفریتی اوزرینہ
ہرکس برر درلو مطالب ایلہ سلاحہ صارلدیغسندن عموم اروپا آتش حرب
ایچندہ قالدی .

فرہدریق باواریا و فرانسیہ ایلہ عقد اتفاق ایلدیکی گبی ، انکلترا و ساقسونیا
حکومتلریدہ کندیسنہ طرفدار بولنققدہ ایدیلر . بناء علیہ پروسیالیلر سیلزیادہ پک

زیاده سرعتله ترقی ایلدیلر . و فرانسزلر ایله باواریا منتخبی قارل آلبر تقرب ایلکده اولدیغندن ماری ترمز ویانه دن پرسبورغه (Presburg) فرار ایله حجار اصلزادکانندن استمداده مجبور اولدی .

نهایت بالذات قرالک خوتوزیج (Chotusitz) موقعنده مولویج مظفریتندن نه قدر استفاده ایلدیکنی کوستر بر صورتده نائل اولدینی غلبه اوزرینه ماری ترز فرهدریق ایله عقد صلحه وناچار سبزیایی ترکه مجبور اوله رق ، بوسایه ده سلاح مدافعه سنی فرانسه و باواریا علیه نه چویرمگه موفق اولدی .

فقط فرهدریق آوستریایی عالم سیاستجه بر موقع عالییه اصعاد ایلک املنده اولماقلا ینه فرانسه ایله تجدید اتفاق ایلدیگندن ۱۷۴۴ تاریخنده ایکنجی سیلزیای محاربه سی باشلادیسه ده فرانسزلرک آوستریا ایله آز مدت ظرفنده عقد صلح ایللری اوزرینه محاربه ده متفقسر قالدی . و ایلک سنه محاربه ده کندیسیده بعض خطالرده بولندیغندن ، غلبه ومظفریت دها زیاده آوستریالیر طرفه میلله باشلادی . فقط ایکنجی سنه حرب دها مساعد اوله رق هوهنفریدبرغ (Hohenfriedberg) و (سورا) (Soor) محاربات عظیمه سنی قزاندینی گبی ، قوماندانلرندن اختیار ده سساو (Dessau) دخی کسلدورف (Kesseldorf) موقعنده ساقسونیا عسکرینی تار ومار ایلدی . بو مظفریات اوزرینه پروسیا اوروپا محافل دولیه سنده ۱۷۴۰ سنه سنده طلب ایده بیله . جکی موقعدن چوق بالائر بر موقع قزانشدی .

۱۷۴۸ سنه سنده (آهن) یعنی اکس لاشاپل مصالحه عمومیه سیله داهیة حربه ختام ویرلدیکی زمان معاهده نك بر فقره مخصوصه سی سیلزیایا ایلتنك قطعاً پروسیایه ترك و فراغنی معلن ایدی . ایشته فرهدریق پولتیقه ده حقایقه پکده اهمیت ویرمدیکی و نقض معاهداتی اصول اتخاذا ایدنیک حالد باعث ظهوری اولدینی حرب عظیمك مهالگندن بو وجهله وقایه نفس ایلش و عاقبة الامر مقصودینه نائل اوله رق عسکرینك شجاعت ومكانته اورویایی حیران براقشدر .

اکس لاشاپل معاهده سنی سکر سنه لك بر زمان مسالمت تعقیب ایدرك بومدت ظرفنده قرال لایتقطع مملکتینك کسب سعادت و ترقی ایلسنه صرف مقدرت ایلدی .

بعض خصوصاته و مثلاً امور عدلیه اولان مداخله سی و یا خود اعمال صنایع و اصول زراعه کبی مواده به سوالغه قالمشیمی طرزنده بعض غیرتلی لزومندن فضله اولدینی درکار ایدی . مشارالیه افکارینه نظراً دولت بر جسد اولوب بونک قلبی، یعنی قانک کافه اعضایی طولاشق اوزره انقسامگاهی اولدینی عضو مهم قرال ایدی . هرشی بالذات اداره املنده اولغله معینده اهمیتلی بر هیئت وکلا بولندیرمیوب یالکز مفردات اموری رؤیت ایده جک مأمورلر بولندیرردی . حتی بر کره مجلس تجارت طرفندن کلان بر هیئت مبعوثیه « مقصدیکز نه ایسه بکا سولیکز باش وکیلکز بنم » دیمشدی فره دریق اکثر حکمدارانک نظر اطلاعیرینه واصل اوله میان تفرعات احواله دخی واقف اولوب، حتی بر کره عدلیه ناظری طرفندن بر ذاتک ولایاتک برنده قضا حاکمکنه انتخابی تکلیف و عرض ایدملکه، بو آدمک و قتیله والده سیله بر اراضی دعواسنده بولهرق حال احتضارده بولان والده سنی یمین ایتمک مجبوریتنده بر اقص اولدینی و بوقدر مرحمتسز و حقوق مادره حرمتسز بر آدمندن تبعه سی ایچون استفاده بکنیله میه جگنی بیان ایله تکلیف واقعی رد ایلشدی .

فره دریق صباحاری ایرکن قالقهرق بر چوق مشاغل سیاسی و عسکریه ایله اشتغال ایلدکن بشقه ، کونلرینک بر قسمنده مطالعات ادیبیه حصر ایدردی . فلاوطیه اولان مراقی زائل اولیه رق، بوش و قتلرنده ینه فلاوطه چالهرق اکلنور ایدی .

فره دریق بوتسدامده یکنی بر سرای انشا ایدرک بوگا سان صوسی Sans Souci (قیدسز) نامنی ویردی ، واورده اختیار اقامت ایلدی . قرالک حقانیت وعدالته دلیل اولق اوزره مرویدرکه بو سرایک قارشوسنده بولان بر دکرمانک صاحبی دکرمانی بر درلو صاتمغه راضی اولمامغله قرال سرانی قارشوسنده بودکرمانک دوامنه مساعده ایلش و حتی بعدالوفات جسدی دخی او محله دفن اولمسنی تنیه ایتمشدر . سیلزی فاتحنک کوستردیکی شو حقشناسلق حقنده معاصریندن بر شاعر « بونلر

برنسلره مخصوص حالات غریبه در بر دگرمانه حرمت ایدیلورده بر ولات سرقت
اولنور « دیه بیان مطالعه ایشدر . (۱)

قرالک سنان صومسی سراینده پک چوق مسافری بولوردی . بونلرک ال
مهمی واک زیاده مظهر توجه اولانی ایسه وولتر ایدی . فقط صاحب خانه ایله
مسافر بیننده . حسن آمیزش چوق وقت سورمیه زک وولترک بعض اطوار متعظمانه سی
و باخصوص برطاقم اشعار حکمداری بی مستهزیه بر صورتده مؤاخذه ایلسی قرالک
حدتی موجب اوله رق . اوده بد معامله به باشلامغله وولتر انفعال ایله بوتسدای ترک
ایلس و فراتقوررتده کندیسنه بر حقارت اولقی اوزره توقیف ایدلدکدنصکره
اورادن قوزتیه رق زمان شیخوختک محل گذرانی اولان فرنده اقامت ایشدر .

فره دریق زمان مسالمتدن بالاستفاده فلنکک صنایع بدیعه و طبیعیه سی کورمک
اوزره مملکت مذکوره به دخی سیاحت ایشدر . یاننده ساده ملکیه لباسیله بر یاور
و برده اوشاق اوله رق کندوسیده فلاوطه چالچی قیافتده ایدی .

مرویدرک فره دریق آمستردامده بر اوله کیدرک بعض مصرفی اطعمه سپارش
ایسکله اوتلی برعادی فلاوطه جینک بونک فیاتی ویرمه جگنی سوبلس و فره دریق

مدت صکره وفات ایدرک وارثی طرفندن
دگرمک آلنسی قرالدن استدعا اولنسی
اوزرنه فره دریق وارثی جلب ایله اوبله تقدیر
ابتدیگی بدلی مومی الیه اعطا ایله برابر
« بودگرم بروسیا محاکمک و لوحکمدارلری
علینده اولسون محافظه عدالتدن آیرلدقترینک
مخبر بر بهائی اوله رق الی الاید قاله جقدر »
دیش و نعلشک اوریاه دفنی ده او صرده
وصیت ایشدر .

سرقت ولایت بحشه کلجه : استیلا و تسخیر
بلاد امرنده بدایت بشردن برو دنیانک هانگی
بردورنده محافظه حقانیت و یا حقوق مالکیت
رعایت اولنشدرک بو خصوصده فره دریق
مرقتله اتهام اولنور .

لطایع

(۱) دگرم افراد اهالیدن برنک مالی
ایدی . بروسیا تاریخنده مشهوردرک : فره دریق
آنی بدلی ویرمک آلمی استر . حتی دگرمک
ایکی قاتی تکلیف ابتدگی حالد دخی صاحبی
اطماع وارضایده منجه اقتدار حکمداریسی
استعمال ایدرک و تکلیف ابتدگی بدل مضاعفک
موافق حقانیت اولدیفنه حکم ایله رک آنی
جبراً آلفه قیام ایله . فقط دگرمجی برلین
محکمه سنه مراجعتله قرالک معامله عدالتشکنا .
نه سنه قارشو علینده اقامه دعوی ایلدیگندن
محکمه دگرمجینک حقوق مالکیتی تصدیق
و قرالی اطاله دست تعرضدن منع معرضنده
اعطای حکم ایلسنک مدار تذکاری اولقی
اوزره بعدالوفات نعلشک او جواره دفنی
وصیت ایشدر . حتی دگرم صاحبی بر

ایسه عادی بر جالغیچی اولمدیغنی و کندیسنک زیاده باره قزانه بیلہ جگنی لاجل-
الاثبات فلاوطه سنی آلاق اثبات مهارت ایلدیگنندن اوتلجی یه بر آز امنیت کلوب
اطمئنه مطلوبه بی گتورمشدر .

مع مافیہ فرہ دریقک تاج و تختی بیلہ تہلکده براقه جق بر زمان تقرب ایلشدی .
ماری ترمز سیلزیانک غصبی بر درلو اونوده مامش و شمعی ایسه آلمانیا ایمراطور-
یجہسی و مجارستان قراچیجہسی مقاملرینی حازر اولمغله فرہ دریق علیہ بر اتفاق
عمومی تشکیل ایله سیلزیایی استراده و بروسیایی براندبورغ حدود قدیمہ سنہ ارجاعہ
قرار ویرمشدی . روسیہ ایمراطوریجہسی الیزابت ایله ساقسونیا قرالی متحیت دخی
بواملہ اشتراک ایلدیلر . اودورده فرانسه قرالی بولنان اون بشنجی لوینک مستفرشہسی
و حقیقت حالہ گرك حکمدار و گرك حکومت و مملکتک حاکمہسی اولان مادام دو
پومبادور (Madame de Pompadour) دخی دائماً کندیسیلہ استہزا ایلدیگنندن
طولایی بروسیا قرائہ دشمن و بالعکس حقنہ « ہم شیرم ، پرنسس ، محبم » گبی
نواز شکارانہ تعیرات قوللانان ایمراطوریجہیہ طرفدار اولمغله فرانسیی بو اتفاقہ
دخولہ سوق ایلدی . و بناء علیہ ۱۷۵۶ سنہ سنہ آوستریا ، فرانسه ، روسیہ ،
آلمانیا ہیأتی ، ساقسونیا و اسوچ حکومتی طرفندن پروسیا دولتہ اعلان حرب
ایلدی . پروسیانک ایسه انکلترة طرفندن اولنان بر معاونت وعددن بشقہ
استنادکاهی یوق ایدی .

متفقہ ، علیہندہ اتفاق ایلدکلری آدمی پک آز طانیورلردی . فرہ دریق اجرا
ایدیلان انتریقہ لردن و قتلہ خبردار اوله رق خفیاً مدافعہسی بلاتی حاضرلمشدی .
فرہ دریقک دشمنلری پروسیا اوزرینہ بقتہ هجوم ایلک تصورندہ بولندقلری حالہ ،
فرہ دریق آنلردن اول اکمال تدارکات ایدرک آوستریا دولتک نیت و مطالبی حقنہ
ایضاحات طلب و جواب رد ویرلمسی اوزرینہ بلا افاتہ وقت ساقسونیا حکومتہ
تجاوز ایلدی . و پای تخت اولان (درسد) شہرینی ضبط ایله متفقین بپنندہ تعاطی
اولنان اوراق رسمیه نک اصللرینی الہ کچوردیکی گبی ، ساقسونیا قرالی بولنان و اون
بشنجی لونی گبی سفہای مشہورہدن اولان اوکوست لہستانہ فرارہ مجبور اولدی .

اوراق مذکورہ نك ضبط و اعلانی فرہ دريقك تجاوز واقعی صورت مشروعه دہ ارانہ ایلدیگی گبی، آز مدت ظرفندہ ساقصونیا اردوسنك تسلیم اولسی دخی مملکت مستولینی بلا مانع پروسیا یدندہ برافقلہ احوالك بو صورته انقلابی عموم اورویانی دوجار بہت وحیرت ایلدی !

۱۷۵۷ سنہ سندہ فرہ دريقك نائل اولدینی موفقیات پك زیادہ اولہرق ، مشار - الہك « بیوك » لقبی قزانسنہ اك زیادہ سنہ مذکورہ مدار اولمشدر . مع مافیہ پروسیالیرك نائل اولدقلى غلبتدہ ضایعاتلری کلی اولوب، مثلاً فرہ دريق پراغده Prague آوستریالیر اوزربنہ قزاندینی غلبہ دہ اون سكر بیك نفر عسكر ایلہ اختیار مارشال شوہرینی ضایع ایلش و براز مدت صكرہ قولین Collin موقعندہ مغلوب اولہرق، اون درت بیك نفر تلفات ویرمشدی . بو صرہ دہ پروسیا پك بیوك بر تہلكہ ایچندہ اولوب، برطرفدن بیوك بر روس اردوسی غروس یکرندورف - Grosz Jägerndorf موقعندہ پروسیا اردوسنی بوزہرق ایلرولمكدہ ، دیگر جہتدن پرنس دو سوئیز Prince de Soubise قوماندہ سندنہ کی جسیم فرانسر اردوسیدہ پیدرپی یاقلاشمقده و آوستریالیر ایسہ شمالہ طوغری ایلرولمكدہ ایدی . فرہ دريق حالك وخامتنی تقدیر ایلدیگندن ، دشمن الہ صاغ اولدینی حالہ اسیر دوشمامك اوزرہ استدیگی زمان تلف نفس ایدہ یلك ایچون دائماً اوزرندہ قوتلی بر زہر کردیرر واسکی شطارت و فراحگولغنی دخی ترك ایتمہرك حتی آثار شعریہ تحریرینہ بیلہ زمان بولوردی . مع مافیہ زمان تہلكہ او سنہلك چوق مدت امتداد ایتمہرك فرہ دريق روسباخ Rossbach موقعندہ ۲۲۰۰۰ عسکرلہ ۶۶۰۰۰ نفردن مرکب سوئیز اردوسنی نار ومار ایلدیگی گبی، دہاء عسکریسنك اك بیوك دلیلی اولان لوتن Leutten محاربہ سندنہ دہ ہیچ مأمول ایدلمدیگی حالہ آوستریالیر مغلوب ومنہزم ایلدیگندن ، محاربہ نك ایکنجی سنہسی بنہ فرہ دريقك مظفریتلہ ختسام بولدی . و مشارالہ انگلترہ ایلہ تجدد اتفاق ایدوب ، دولت مشارالہادن آلدینی معاونت - نقدیہ سنویہ سایہ سندنہ اردوسنك تزیدہ مقدارینہ دخی کسب اقتدار ایلدی .

فرہ دريق سنہ آتیدہ زورندورف Zorndorf موقعندہ بر غلبہ دہا نائل

اولایسه ده بوندن صکره طالع حرب علیه چوریلرک، ایکی اوچ سنه مدّت هر درلو مظفریتدن محروم و هوخکرهن Hochkirchen موقعنده آوستریالیرله غایت مکمل بر صورتده مغلوب اولدی. گونسدورفده Kunnendorf روسلر غلبهیه موفق اوله. بیلدیه ده جنرال لادون Laudohn قوماندیه سنده کی آوستریالیرله محاربه سنده کلیاً مهزم و پریشان اولغله، محافظه حکومتدن بیله مایوس واردوسندن متباقی طوبی ۲۴۰۰۰ نفرله عموم اوروپایه مقاومت مجبور اولدی. فقط دشمنلرینک حرکاتنده کی انتظام سزلقدن بالاستفاده ایرتسی سنه لرده لیغنج Liegnitz و تورغاو Torgau موقعلری و محال ساروده بر قاج مظفریت مهمیه نائل اوله رق نهایت ۱۷۶۲ سنه سنده روسیه ایمرطور یچه سی الیزابتک و قاتیه یه رینه فرهدریقک مفتون عظمتی اولان اوچنجی پترونک کچمسی و فرانسه ناک انگلتره ایله بر معاهده خصوصیه عقدیهلر حربدن چکلمسی اوزرینه میدان مجادله ده ساده آوستریا قاله رق، ایمرطور یچه و قراچیه ماری ترز دخی حربیه دوامده بر فائده اولیه جغنی گورمکله سیلزیانک پروسیا بندنه قالمسی شرطیه هوبرتسبورغ Hübertsburg معاهده سنی امضایه رضا داره اولدی. و بو وجهله یدی سنه مدّت دوام ایدرک پروسیانک بالجله اورویا ایله اوغراشدینی حرب عظیم فرهدریقک بیوکلمگنی میدان چیقارمق و ممالکنی فوق العاده صورتده خراب ایلمکدن بشقه بر ثمره حاصل ایتکسزین ختام بولدی.

هوبرتسبورغ مصالحه سندن صکره فرهدریق بر ربع عصر مدّت ده سلطنت ایدرک شایسته کی محارباتک موجب اولدینی تخریباتی ازالیه چالشمشدر. بو مدّت ظرفنده لهستانک برنجی تقسیمدن بشقه مهم وقوعات سیاسی بولخیه رق حق سزلقجه عادتاً بر جنایت دولیه عیدیه سزا اولان بو تقسیمیه فرهدریق غربی پروسیا و یاخود پروسیا لهستانی ایالتی ضمیمه ممالک ایدرک نفوس موجوده سنه آلتوز بیلک فرد ده علاوه و بر برندن آیری بولان اقسام ممالکنی بر برینه بو واسطه ایله ربط ایدرک اسباب قوت و مکنتنی استکمال ایلمشدر.

فرهدریق آخر ایامنه قدر بر آن رؤیت مصالح دولت و مطالعه آثار معرفت ایله اشتغالدن خالی قالمدی. حتی وفاتندن بر قاج هفته مقدم «عمرم آرتق ختامه تقرّب

ایندی متباقی و قتمی حسن استعمال ایتلمیم . زیرا بو وقت کندی مالم دگل دولتک مالیدر « دیهرک مشاغلنی برقات دها آرتدیرمشدی .

مشار الیه قرق بش سنه بی متجاوز حکومت ایلدکدن صکره ۱۷۸۶ سنه سنده وفات ایلدی . فقط سان صوسی سرایی یاننده مرقدی اولمق اوزره تعیین ایلدیگی محل بو قدر افعال خارق العاده اجراسنه موفق اولان بر ذات عالی یه مقبر اولمقلغه لایق کوریله مدیگندن، عظامنک علی العموم عدالت و حقانیت، اکثر احوالده انسانیت و مرحمت، و دائماً شدت رأی و تدبیر ایله و منفعت عامه بی عن صمیم القلب دخواه ایدینه رک تقریباً یارم عصر مدت اداره ایلدیگی ملتک آره سننده بولنمسی ایچون جسدی برلین شهرینه نقل ایدیلهرک اوراده دفن اولنمشدر .

معارف عمومی مکتوبچیسی

سری

تم

